



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

Benedictio loci.

**urn:nbn:de:hbz:466:1-41233**

misericordiam tuam. Gloria Patri, & Filio,  
& Spiritui sancto. Sicut erat *Ec.* *Et repetitur*  
*Antiph.* Asperges me Domine, *Ec.* *Vers.* Do-  
mine, exaudi orationem meam. *Resp.* Et cla-  
mor meus ad te veniat. *Vers.* Dominus vo-  
biscum. *Resp.* Et cum spiritu tuo.

Oremus.

**E**Xaudi nos, Domine sancte, Pater omni-  
potens, æterne Deus; & mittere digne-  
ris sanctum Angelum tuum de cælis, qui cu-  
stodiat, foveat, protegat, visitet, atque de-  
fendat omnes, habitantes in hoc habitaculo.  
Per Christum Dominum nostrum. *Resp.* Amen.  
*Deinde aspergat aquâ benedictâ.*

*Benedictio Loci.*

*Vers.* Adjutorium nostrum in nomine Do-  
mini. *Resp.* Qui fecit cælum & terram. *Vers.* Do-  
mine, exaudi orationem meam. *Resp.* Et cla-  
mor meus ad te veniat. *Vers.* Dominus vo-  
biscum. *Resp.* Et cum spiritu tuo.

Oremus.

**B**enedic ✠, Domine Deus omnipotens,  
locum istum, (domum istam,) ut sit in eo  
(ea) fanitas, castitas, victoria, virtus, humi-  
litas, bonitas, mansuetudo, plenitudo legis,  
& gratiarum actio Deo Patri, & Filio, & Spi-

ritui

ritui sancto ; & hæc benedictio maneat super hunc locum , & super habitantes in eo , nunc & semper. *Resp.* Amen. *Et aspergat aqua benedicta.*

*Alia benedictio domus novæ.*

*Vers.* Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Oremus.

**T**E Deum Patrem omnipotentem suppliciter exoramus pro hac domo , & habitatoribus ejus ac rebus ; ut eam benedicere ✠ & sanctificare ✠ , ac bonis omnibus ampliare digneris : tribue eis, Domine, de rore cæli abundantiam , & , de pinguedine terræ, vitæ substantiam ; & desideria voti eorum ad effectum tuæ miserationis perducas. Ad introitum ergo nostrum, benedicere ✠ & sanctificare ✠ digneris hanc domum , sicut benedicere dignatus es domum Abraham, Isaac & Jacob : & , intra parietes domus istius, Angeli tuæ lucis inhabitent, eamque & ejus habitatores custodiant. Per Christum Dominum nostrum. *Resp.* Amen. *Deinde aspergat aqua benedicta.*